

Iepa, irakurle! Hauxe duzu zure txokoa, inguruko deialdien berri emateko edo zeure iritzia eta kezak plazaratzeko. Deitu 943 300 222 telefonora edo bidali mezua 943 300 255 faxera edo **barkatu_ama@egunkaria.com** posta elektronikora. **Animatu!**

Internet en irristatzen

irristatzen@egunkaria.com
→ jabi zabala

Irratia.roots

Euskal irrati digitalak urtebete



Gaurkoa bezalako batean, iazko domusantu egunez, hasi zen irratia.com-en ibilbide telematikoak. Efemeridea ospatzeko reggae kontzertua izango da bihar Bilboko Kafe Antzokian eta azaroan hainbat euskal musikariren emanaldiak emitituko dira zuzenean Bartzelonatik.

Zuzeneko emanaldi baten bidez sareratu zen estrainekoz irratia.com, Fermin Muguruzari eginiko zuzeneko elkarrizketa batekin. Hortik aurrera hainbat irratsaio egin izan dira zuzenean, denetarikoa. Kanta eta olerki emanaldiak, bertsolari txapelketak, Korrikaren gainekoak, rock kontzertuak, musika elektronikokoak... Horrez gainera, zazpi musika kanalek musika mota ezberdinak sareratzten dituzte etengabe eta hainbat musikariren elkarrizketak daude entzungai.

Irratsaio finko bat ere badago, *Jalgi Hadi Dantzarat!*, asteazken gauero musika elektronikoari eta teknofiliari buruz jarduten duena eta *chat* berri-ktaren bidez entzuleekin aldi bereko interakzioa lortzen duena. Jada entzule teknofilo iluminatu fidelen zirkulotxoak sortu da irratsaio honen inguruan. Bertan grabatutako elkarrizketa interesgarrien sorta aurki dezakegu «Euskal kultura digitalik ote dagoen» edo egongo ote den jakiteko xedea duen atalean. Izan ere, irrati honen helburu agerikoa da «euskal kultura digitalizatzea, kultura digitala euskalduntzea», euskaldunok eremu digitalean ere, hau da, bihar-etziko gizartean, gaurdanik eta euskaldun moduan present egon behar dugula argi dago, euskaldun jarraituko badugu. Komunikazioaren munduko pertsonaiei eginiko elkarrizketak aurki ditzakegu.



Biharko kontzertuan *Loud & Lone* and *The Sound Dealer* taldeak joko du doan 22.00etatik aurrera. Bertako *Dubby* taldekideak irratia.com-en egiten duen *Ambassah Sound System* irratsaioa gehien entzuten dena da, Euskal Herrikan kanpoko entzule reggaezale asko baititu. *Sound Dealers* moduan hemengo musikari sorta izango da, besteak beste, BDFko Iñaki Yarritu, Akatz-eko Iñigo Elexpuru eta Ambassadors-eko Dubby. Goiko eta Oskar. Interneten bidez ere entzun ahal izango dute Bilbora hurbildu ezin direnek.

Taldekidengatik ezezik, bestelako loturak daude irratia.com eta reggaearen artean, izan ere, Interneten bidez emititzen den *Reggaeadictos* irratsaioa izan zen inspirazio bide garrantzitsua *Asociacion Cultural Reggae* ren eskutik. ACRkoek sortu duten azkena, reggae-news.net ataria izan da,

software librearekin egina eta eredu partehartzailea duena albisteen bilketan.

Baina biharko kontzertua ezezik, azaroan eta abendu hasieran hainbat zuzeneko emanaldi entzuteko parada izango dugu. Iaz bezala, Bartzelonako Euskal Etxearekin elkarlanean, Euskal Herria al CAT jaialdiko ekitaldiak zuzenean emitituko dira irratia.com-en mundu osorako. Besteak beste, Mikel Ur-dangarin, Guillermo Trujillano, Pomada, Maixa eta Aitziber, Zure Gura, Juan Mari Beltran, Morau, Mikel Telleria, Oreka TX, Gozategi eta Kepa Junkera.

Helbideak:

■ www.irratia.com ■ www.reggae-news.net ■ www.reggaenews.co.uk/loudandlone.html ■ www.acreggae.com ■ www.ehalcat.com

Lehiaketak


Maketa lehiaketa / San Adrian. Nafarroako San Adrian herrian pop-rockari buruzko aste bat antolatzen dute urtero, eta, horren harira, maketa lehiaketa antolatu dute. Talde bakoitzak, kasete, CD edo mini disc formatuan, lau kantu igorri beharko ditu, parte hartu nahi duten saila (pop edo rock) adieraziz. Lanak helbide honetara bidali behar dira: Villa de San Adrian Pop-rock lehiaketa. Asociacion Juvenil El Tajador, Venta Alta 10 behe, 31.570 San Adrian (Nafarroa). Lanak aurkezteko epea azaroaren 26an amaituko da. Informazio gehiago: www.lanzadera.com/certamen webgunean, *certamen @wana-doo.es* helbidean edo 948-6704.75 telefonoan.

Ipuin lehiaketa / Errenteria. Ereintza Elkartek antolatzen duen Errenteria Hiria lehiaketan euskara zein gaztelaniazko lanak aurkez daitezke, gutxienez hiru orrikoak eta gehienez zortzikoak (makina). Lanak aurkezteko epea 15a artekoa da. Informazio gehiago: 943-52.65.53.

Diapositibak / Donostia. Gipuzkoako Mendizale Federazioak diapositibak lehiaketa antolatu du. Edozein mendizalek parte hartu ahal du horretan, eta bi arlotan sailkatuko dira igorritako lanak: mendia eta bere aberastasuna deritzon arloan eta mendietako ingurugiro arazoak izenean. Diapositibekin batera, egilearen datuak bidali beharko dira, bi helbide hauetako batera: Gipuzkoako Mendizaleen Federazioa, Anoeta Estadioa, Anoeta pasealekua, 5. 20.014 Donostia. Edo Pol-Pol Mendizale Taldea, Komenio Kalea 4, 20.570 Bergara. Lanak 2002. urteko urtarilaren 8a baino lehen bidali behar dira.

Ikastaroak

Gabonetako euskal sukaldaritza / Basauri. Basauriko Euskarabila elkarteak, Gabonetan presta daitekeen euskal menuari buruzko ikastaroa antolatu du. Azaroaren 5ean hasi eta abenduaren 10a bitartean iraungo dute eskolek. Astelehenean egingo da, 18:30etik 20:30era,



'Gaztetxulo' aldizkariaren 12. zenbakia kalean. *Gaztetxulo* aldizkariaren zenbaki berria (12.a) bihar izango da salgai, ohiko lekuetan. Azalean ikus dezakezuen moduan, Unax Ugalde euskal aktore gazteari egin diote elkarrizketa oraingoan *Gaztetxulo*-ko lagunek. Ez da elkarrizketa bakarra, ordea; Hur Gorostiaga kazetaria eta Lau Itzal musika taldekoak ere itaundu dituzte eta. Masturbazioaren gaia jorratu dute sexuari dagokion atalean, eta erreportaietan, besteak beste, antimilitarismoaren geroa aztertut dute, eta baita bertsolari belaunaldi gaztea ere. *Hontzaren ulua* atalean, Donostiako gau giroaren berri ematen digute, eta ez dira falta hilabeteroko gainerako sailak: musika albiste eta kritikak, Internet, zinema, liburua...

eta 5.000 pezeta balioko ditu. Informazio gehiago eskuratzeko edo izena emateko, telefono honetara deitu daiteke: 94-44.09.16.

Hainbat / Arrasate. Arrasateko Gazte Bulegoak ikastaro ugari jarri ditu abian gazteentzako. Esate baterako, bio-dantzari buruzko ikastaroa azaroaren 10etik abenduaren 15a arte egingo da; argazkigintzako azaroaren 6tik abenduaren 4a arte; ahotsa lantzeko ikastaroa azaroaren 5ean hasiko da, eta abenduan perkusio ikastaroak egingo dira. Izena emateko eta informazio gehiago eskuratzeko, Gazte Bulegora deitu daiteke: 943-77.00.65.

Espresio gunea / EHU. Euskal Herriko Unibertsitateak, Espresio Gunearen bidez, hainbat ikastaro eta lantegi jarri ditu martxan. Ikastaro horiek guz-

tiak ikasgelatan daude antolatuta: antzerki ikasgela, musika ikasgela, ikus-entzunezkoen ikasgela, dantza ikasgela eta sukaldaritza ikasgela. Horrez gain, zenbait dantza eskolatan beherapen handiak eskaintzen dituzte. Unibertsitarioak ez diren-entzat ere balio du. Informazio zehatzagoa: 943-44.81.59 eta www.sc.ehu.es/kultura webgunean.

Erakusketak

Artea / Bilbo. Bilboko Rekalde aretoan *Belaunaldiak* izeneko erakusketak egiten ari dira, aste hauetan. Bertan Caja Madrid erakundeak saritutako hainbat artista gazte eta hasiberriren lanak daude. Erakunde horrek pintura, eskultura, argazkilaritza, grabatua edo joera berrien atalean lanak egin dituzten artista onenei sari bat eman die, eta atal bakoitzeko bi proiektu onenei hori gauzatzeko diru laguntza eman die. Lan horiekin guztiekin egin dute erakusketa. Azaroan izango da zabalik.

Ocupgraf / Tolosa. Tolosaldeko artistek arte grafikoari buruzko erakusketa prestatu dute, Tolosako Aranburu jauregian. Azaroaren 17a arte izango da ikusgai.

Txinarako bidaia / Zarautz. Margarita Gonzalez argazkilaria Txinara egindako bidaian ateratako argazkiak jarri ditu Zarauzko Photomuseumean. Erakusketa azaroaren 18a arte dago zabalik.

Bestelakoak

Nazioarteko Gazte Topaketak / Larrabetzu. Iragan asteburutik Nazioarteko Gazte Topaketak ari dira egiten Bizkaiko Larrabetzu herrian. Euskal Herriko, Hungariako, Portugalgo eta Andaluziako gazteak bildu dira bertan. Helburua, kanpoko gazteei Euskal Herriko kultura, jai egiteko modua, parajeak eta ohitura azaltzea da. Hala, bisitaldi, irteera, hitzaldi eta ekintza ugari antolatu dituzte. Gazteok igandera arte izango dira Euskal Herrian.

Literatur jazz / Bilbo. Iaz bezalaxe, Lizardi AEK euskaltegiak eta Alde Zaharreko Euskal Txokoa literatura jazz antolatuko dituzte, Hilean behin, idazle gazte batek errezitaldi

LIBURU GOMENDIOA



Mistero Buffo
Dario Fo

Antzezlan batzuk taula gainean egin ostean liburu bezala inprimatuak izaten dira zorionez. Hori da Dario Foren *Mistero Buffo* kasua. Mundu

osoan antzezututako antzezlan hau ikusteko aukera izan ez dugunok badugu lan honetara hurbiltzeko aukera.

Testu politiko honek Erdi Aroko juglareek erlijioaren inguruan antzeztzen zituzten satirak ditu ardatz, elizaren boterearen kontra etengabe eginenez. Sketch bakoitzaren aurrean Fok berak, juglare edota bufoi moduan, ironiaz eta hain berea den maltzurkeria umoretsuaz aurkezpen moduko azalpenak ematen ditu salaketa antzezlan honetan.

Kultura herrikoiaren historiaren pasarte garrantzitsu bat

Galder Perez-en **tik**
Giltzaxaro antzerki taldeko kidea

kontatzeaz gain, eskolak eta kultura ofizialak ezkutatu duten hainbat pasarte agerian uzten ditu. Bidegabekeriaren aurkako eta gizakien arteko berdintasunaren aldeko oihua da *Mistero Buffo*; irakurterraza, oso dibertigarria eta didaktikoa, gainera. Aintzinako kontuak badira ere, gaur eguneko bidegabekeriak eta pertsonen arteko ezberdintasunak ez dira aspaldikoekin asko aldatu. Idazle italiarrak kultura akademikoa eta ofizialari aurre eginenez herriari dagokigun kultura berreskuratzeko gonbitea egiten digu.